




受祺堂詩卷之二十六

中南山人荆東李因篤子德著

冬日寄紫庭明府兼書感懷六百字

青門交數子末俗抗深契明府最妙年慨然懷六
藝謂予素心人商榷騷雅製正始無靡響鐘同厥
論細是時別駕車方自東臺稅薄祿庇樵漁寒齋
頻擁篲狂夫麋鹿羣脫畧取塗銳卽使和鈴行恒
於至性戾相知如公等越禮乃不計矧值斯文孤
將扶吾道敝出郊攜手來多得未央憩緬仰西漢
風遙呼五陵帝悲哉賈董徒豈乏休明世尚耀丹



青辭空嗟白骨瘞與酣恣歷覽關輔何迢遰奇嶽
橫我襟大河近堪揭登臨費頗賒瑣屑情攸繫嗜
古壯幽尋千秋一睥睨每驚新篇佳刪較野老綴
包舉窮邃初冥揆徹雲際楊雄鄙雕蟲致遠殊恐
泥長笑函谷關棄繻重聞誓男兒行所學夙志在
匡濟爲宰雖獨難聖門半諸弟紆迴過草堂飯客
慚麤糲肝膈託齊盟久要期勿替潛居頭已白嬾
臥輒終歲竹徑待君掃柴扉嘗晝閉離愁逐序移
甚惜通才滯尺鯉羈好音長鴻數凝睇 聖朝勤
訪落光徧燭巖桂澗曲及豎儒溫文爲頒制撫躬

悚非宜名實忍自蔽慈母悲桑榆晚暉寧可貰哀
號孚外臺展轉格中例銜卹弗獲已後塵追并薊
欣逢碣石宮載把遊子袂北極地圖迴冬晨霜雪
厲却看褐衣裂旬朔庖廩繼客邸幸聯陌輕裝能
見詣率成陟屺吟惟汝橫流涕莫動要衢憐徒頌
良友說逡巡乞歸身敢辱金馬砌干冒禁網危究
蒙 天顏霽娛親優詔許去國兼程逝掘別燕山
右沾裳灑水漪生平抱微尚舉足疑夢謎從此祛
遊聲避囂脫輿鞵家貧養或缺那必營甘脆負米
違吾職蕭條兩設悅翩翩履舄飛頓覺鳴琴逮岐

受補堂詩卷三
二
下先王都佑茲茂宰惠之官輓輸殷肆應勞績勵
庶佐虎旅飽摧枯豺狼殪仍餘退食閒泚筆詩思
麗恩洽禮教修肅陳元公祭願言往從之汧渭艱
鼓柁持贈竭忠誠走書當奉幣竭來騁詞場連旆
敦魯衛宿昔肯相疎高歌瞻愷悌

冬日再如金州賦柬使君弟五首

十月霜穠萬木稀賓鴻猶傍遠林飛寒花倍喜開
同萼古道仍憐就夙暉野穗初登譙角晚村春漸
好戎烟微南來辛苦聞邦教地節元嘉此振衣

春雨城南憶唱驪夏雲山麓照征旗危湍近渡竈

鼉窟側徑遙臨虎豹埵從別池塘無好夢漫愁江
漢阻潛期良宵明月看如水更欲吹埴起和篴
烈日相攜驛路長肩輿分給美中卽推梨讓棗情
何限對酒聯吟夜未央劔自雙飛龍已合書能數
至雁成行吾家載結關城紫不比西豪客宿光
懷古虛聞蜀道難上庸山水鬱千盤高峰並帶溪
聲苦峭壑孤留樹色殘恩洽友于人再至賦歌中
澤郡初完冬春節候分南北暖律光隨一氣看
下榻長安歲月深峒堯太乙幾登臨沿河竹屋團
朝景入部桑麻聚暮砧夙契猶存嘉樹傳殊方不

爽在原心懷人東閣饒佳什秉燭高齋次第尋

喜驃騎兄舉第五子

隴樹扶疎託蔭雄仙源鄉國溯流同夢隨雨雪生

春草

時在使君弟署

人傍雲霄數朔鴻忽照寸珠弧矢上

長看雙璧畫圖中朝來摩頂知英物並振吾家奕

葉風

題張都尉暘若畫竹

一日何堪少此君圖高西第接江濱寒虛雪牖還
留月翠漾風簾自拂雲匣劔移來延鳳嘯爐煙近
處結龍文層霄更借如椽腕寫與丹楓玉樹分

題筠菴使君畫牡丹

冰落冰寒照客心名花忽自敞春林渾憐並萼如
兄弟獨出羣芳冠古今對酒色移霜葉重燒燈光
接絳帷深白鷗赤雀皆殊絕鳴得雲霄振鷺音

柬程總戎大功

伊雒宗風曠世賢璽書親授武英前盟垂帶礪光
虞野畫託麒麟表漢年自昔文昌推上將於今河
鼓耀中天金沙碧草歡留客爛醉旗門日正妍

除夕卽事用子禎韻並答見柬三首

節早春先及年移夜尚存躬耕安隴畝坐嘯老柴

門朔雪融欄淨東風上座溫索居拋歲月高枕信
乾坤

失學愁增歲藏身嬾近名但呼宗族老相對酒樽
傾地穩滋萱葉天和走雁聲中宵陳俎豆俯仰百
年情

自下扶風帳頻遷守歲杯寸陰功未已千里志難
灰老傍蒼松直寒噓玉樹開不嫌供草具新詠發
初雷

端午奉寄太守董公

郡閣春醪劍珮同渾忘節序屆天中臨郊始訝登

華黍在野長懷賦角弓井社漸聞周雅舊河山重
覩漢時風推恩京兆詢遺蹟佇接丹書灞水東

送遲明府奔赴東還四首

潘輿曾輦大家來陟屺仍憐首屢迴詎謂鶴鴒原
上急翻悲菱草夢中摧論交關嶽分符地試宰兵
戎濟世才自墮婺星違所恃攀轅無計萬人哀

叅藩典試歷秦疆徧採球琳及渭陽

令叔默公主
巴西試舅氏

田孝廉
獲雋

水木千秋要共本芝蘭兩序亦同芳看山

不惜登臨費下榻何辭道路長此後岳蓮空載目
風流誰接令公香

受祿堂詩卷三
五
聞君觸暑賦將歸澗下紆回訪釣磯濁酒深燈成
欵曲荒村陋巷有光輝城連園圃披襟晚野傍林
巖過客稀却笑爲農殷播穀尊前瑣屑話柴扉
淒淒懷抱數經旬欲唱驪歌阻去津驛障苦逢炎
夏景河山爲念遠遊人將圖後會茫難定轉恨臨
岐鬱未伸努力大襄應早畢重懸井牧待棠臣
送長源將令妹之京就婚石民部左函弟
西郊柳色照離卮觸目牽愁比亂絲賦出少陵憐
弟妹名如元叔動京師徐行輦上塵埃裏慎保山
中霜雪姿却望軍都天咫尺先公古署接堯茨

喜金州使君弟至青門馳晤却贈二首

離合縈心忽判年朔風炎日兩茫然一春花發懷
同氣千里鴻飛接並肩憂世祇宜巖谷隱避人翻
就大夫眠冰壺玉塵依清切雅勝池塘夢惠連
使至南州甫息兵遺田蒿日少人耕追陪江上揚
帆出忽復山中叱馭行未必賑饑違漢詔還勞爭
賦守齊盟密雲方待西郊雨罇酒更深只細傾
寄太守董公初度五首

鴻鈞初轉萬方平鳳曆長瞻玉燭明閔閔早知連
北斗風流今復覲西京臨觴野抱瑤池秀捲幔秋

來紫閣清座客從容歌既醉前除月傍綺筵生
函關朝日數峰霞竹馬歡迎刺史車正值羽林兵
載路頻傾私帑義忘家論才已跨張京兆受冊裁
如鄧仲華時年廿四向芑羣黎通野祝幽詩吹入郡圖
賒

躬耕鼓腹自成吟澗戶遙聞尺素臨至止春風吹

緩帶棲遲夏木轉鳴禽傳餐屢沐談經邸時子寓書院

吐哺兼殷下榻心咫尺介眉違往約南山雲日望

中深

堂西佳構竹風勞卜築知君作用豪遂有潛夫墜

退食偏多公讌解征袍光分彩棟琴書滿翠接湘

簾岫壑高此地崑林稱最近香醪更碧漢宮桃

晴郊曾眺嶽門蓮擬卽軒帷展華筵曉露已生天

似鏡流霞徐瀉酒如泉澄清盡攬三秋色鎮靜全

收兩漢年况喜循良新報最佇開黃閣五雲邊

春日岐山詣茹明府紫庭感舊述懷賦近體

十首

清渭東流春色來彩雲飛處縣花開聖圖恭識岐
豐地仙吏欣瞻屈宋才時見月明高士榻敢云星
聚故人杯幽期直擬舒懷抱莫遣中宵戍角催

浪跡青門涕淚班從君每一破愁顏狂呼憶醉藩
亭酒穩臥仍看郡舍山長許悲歌同漢苑更攜憑
弔出秦關別來鳧舄勞方劇猶得平原十日間君使

曩起藩僚遷別駕
子即從明府遊

夙昔啼鳥阻叫闌摩空君亦滯潛鯤天高何路還
西野歲暮相憐賦北門久客衣裘長借質窮途雨
雪屢開樽寥寥緩急班荆意尚欲援琴仔細論往

乞養金門賴明
府左右之得還

陟屺秋原痛大招總惟何力撼風飈傳書已愧生
芻重倒篋兼承玉帛遙竟使祕舍無闕事因謀裕

柏有新條鮑山孤立空千古岐下分明峙碧霄苦次

拜嘉用
襄母事

退食驅車託興深卷阿漳谷幾登臨徘徊俎豆還
周召寂寞宮商自古今采采榛苓成獨步洋洋南
雅見遺音朱絃有客塵封久激發爰生老驥心

賜復民田漢詔同美人辛苦慰哀鴻殘疆鐵騎瑀
戈後孔道函關隴樹中曲轉蒿萊通帝力徐修禮
樂逮王風循良舊在麒麟上不用旁占渭水熊岐民

困於荒田明
府力請得豁

近築宮墻數仞齊還營講肆戟門西他年閭里充

羔雁盡日風雩散鼓鞀水傍橫渠羣澗小山登太
白萬峰低曠懷遙接文公廟周魯淵源望不迷時

泮宮創朝陽書院修
周公廟皆不賦民

為政風流兩漢看好音迢遞滿長安草蟲入部留

幽社雷雨舍靈避灌壇散帙焚香遲日靜銜杯說

劔一燈寒濟時台斗須名德可但光輝解豸冠

招隱花階薜荔長二賢幽谷領羣芳謂無異雪
木兩先生生

材天地資棲託薄俗河山起混茫易去朱霞恒照

坐難招黃鵠到成行信陵名冠諸侯早巖穴同留

史冊光

七載絃歌好會稀春星歛帶芰荷衣公私多故才

名闊出處難論心事違夜半羽書懷授簡天邊鷗

鷺憶追飛白頭奔走無寧歲夙契從君暫息機

仲默以秋興貽獻吉索和空同初得秋懷六首

書冊報之今在池陽薛爾至家與見本不同龍

池放泊一篇並易其韻而詩亦不逮遠甚古人

所以言詩不厭改也予才遜北地若明府生平

勁敵居然信陽知己之深如佳人難再得不覺

遂盈篇什

岐山公解喜晤二兄雪木處士却送歸山

鳳鳥久不至孤雲將安集風吹大澤凍歲暮蛟龍
螫有美吾宗老塵埃乃獨立涉旬能幾餐顏色轉
熠熠至性旣嗜飲家貧何絲給濁醪或在手乘興
留篇什居處一委巷艸堂裁容笠幽輝踰千仞緬
仰絕等級翻訝龐德公苦辭謝州邑亦嘗開柴門
羔雁未敢入春日滿卷阿採苓來北隰班荆周道
旁笑解鹿皮褶良宰託素心接塵傾交執謂紫庭明府
數椽欣別構花樹照初葺寒雨忽數作積陰晴復
翕舊年困秋霖謀稼方苦濕况屬用武後征輸無
時戢荷鋤倘失次何以安樵汲際此剖符彥寧忘

貽勺粒哀鴻浩盈途撫事情快悒縞帶蒙夙歡白
駒頗告繫狂歌瀉其真縱酒如故習隨意披畫圖
燒燈展書裒峒堯望太白已覺通呼吸出谷冰始
泮歸山鶯猶澁前期且茫然曉發嗟底急經過五
丈原駐車稍沿襲甚勞諸葛公殘局相綴緝萬古
瞻遺祠英雄爲啜泣更懷梁父吟高唱許誰及

過開美大弟宅

出郊阻積雨初日憐西莊淑氣中宕滌羣花已吐
芳眷言過宿好十載同翱翔迴首戎馬際坐愁鬢
毛蒼昔來尚彷彿嬌女裁扶牀忽復拜簾下肩隨

如母長閔予遭大憂總素久嚴妝感此骨肉情咨
嗟使心傷高雲照原野薄俗生激昂况乃屢移榻
居恒覘考祥丈夫重至性恭視其所將竭意奉寡
姊推恩維天常當年避世亂卜築於岐陽嗜學資
緩帶躬耕及方剛雞鳴率先起盥櫛或未遑秉燭
課僕妾荷鋤兼承筐早知獲賢偶偕隱名益彰椎
布親舉案鹿車賦采桑菽麻豐報種榆柳漸成行
比屋盡力作淳風遊羲皇墻東喜新構用朴周外
防臨砌看蔚跂數竿寫琳瑯黃鶯輒窺戶紫燕紛
在梁壁墨粲前席披圖皆有章地幽春樹合軒蓋
鬱相望賓豆煩累設濁醪達星光與君爲昆弟計
齒亦略當蹉跌老仍困撫塵撓我腸平生苦習嬾
失志多遺忘隴畝半蕪沒奚論三徑荒虛聲負白
髮內省逃行藏覲面從執友中宵獨沾裳黍離尋
舊址懷古色茫茫攜步橫水左時同自如明府所西發放歌
橐泉旁招尋旣不愜偃蹇歸斯堂還憶別經時寓
書盈客囊君才凌山嶽抗跡凜雪霜藉草延霽景
援琴發清商喧寒頗外序彗孛頻垂芒願且勗潛
德修名何足臧

曹太守澹齋招同開美謝青遊東湖請賦古

體時公子冲谷在坐

東湖築何代乃在城一隅發興自賢者遂聞林壑
殊端明參佐始束帶府中趨豈乏濟川略幽尋無
日無惜哉多壘後人境懸榮枯跼步不得敘滔滔
如是夫使君石渠俊棠蔭延舊都蕩滌盡有道滄
洲情難孤春飈吹碧水退食擁冰壺信宿洗讌豆
憑流張清厨鳳凰下九初飛止將其雛更與徐阮
輩高吟西園俱從公拜祠宇感激心已輸忽起瞻
彼美誰能別眉鬚澄波環曲榭點綴托良模啄鳥
皆自得遊魚亦可呼且勞移雪藕親種雜菰蒲攜
手過遠岸跨津俯交衢却看所坐閣縹緲凌天吳
隨意寫佳醞嘯歌忘日晡始焉值黯慘溟漲含平
蕪返照開鎮嶽濤光變須臾湖陰有古竹接跡增
長吁神契付來哲暮雲爲踟躕空庭詢昔構墨浪
遶金鋪祠亭多太守與
茹明府題詠轉誦喜雨作依然周召徒
憂民尚年少冗散羈大儒往事但慷慨斯遊慚並
驅曠懷觀逝者桑海亦屢徂努力崇令德臨淵叶
弘圖

秦臺古意兼懷茹明府

斬年門逐渭川開弄玉吹簫舊有臺一曲自凌霄

漢去三峰曾引鳳凰來雲移別館秋長闔月滿空
山夜不迴逝水無情仙珮杳聞笙却想故人才
弄玉事未載正史然自漢以來相承用之其入
詩賦者不可殫述而說部至詫其神詭誕不經
如唐人沈亞之之類謬相附會惑世誣民甚矣
蘄年宮自在雍地而秦川乃有秦臺遺基指其
地以實之不知穆公之代遷岐已久也請更質
之明府

東湖拜蘇端明公祠有感呈茹明府

學士風流遺愛長東湖春色正蒼蒼翛然帶紱瞻

生面不盡煙波遶故坊絕岸平臨天倒出層軒只

在水中央秦臺漢峙知誰是名樹蘇亭萬古光

村在岐山
疑卽召亭

茹岐山爲喜雨亭詩愛而和之仍樹字韻

元注

亭在
東湖

淡淡湖中水青青湖上樹峩峩哲人祠袞袞東門
路杲杲初出日盈盈公府步四十朝大夫三十專
城據二十爲叅佐乃當岐周故甫田已及時春雨
方布濩適會吾亭成住名遂相付遺文將千載風
流杳何處平生滄洲情老得農圃趣沮溺信所希

夷齊何足慕伊人驅車來駐景幾沿湖取酒斟酌
之縱橫數有賦躊躇不得留信宿自茲去但去勿
復道努力建功祚

東湖行和茹岐山用元韻

雍縣城下東風起可憐春光湖光裏一片綠波剪
不得青冥似出峩眉底昔公通籍僉此州三十不
足二十比省野恰與甘雨會民憂亦憂喜亦喜翼
然亭子湖之濱佳事佳文足並紀彩筆澄湖互照
漾檣花渚燕增徙倚我來湖邊謁古祠春色秀發
鬚眉美惆悵幾尋芳草外溯洄惟見碧流水數番

竹溪傾春醅還向林壑採石髓滄海桑田七百載
是湖是亭雄西鄙若爲霖雨自有時清廟明堂紛
如綺吞吐煙濤滿宇宙波瀾乃自東湖始君不見
韓王初邸生春霜中丞秋臺復茫茫過客含情遊
湖曲伊人宛在水一方

又見茹岐山近體似學王孟興之所至輒復
擬之用元韻二首

嗟爾明光客卑棲佐吏班勞勞對春雨一爲浣愁
顏嫩艸芳湖上高亭古木閒斯人不可作遺興與
躋攀

夫子少年日風流儼在茲祠在亭上水間雲起處
花暖燕來時此地空千載銜杯慰所思岐侯亦青
鬢彩筆照荒祠

載賦二章卽事贈岐山

載酒蘓祠曲東湖春水輕忽觀新雨賦因得古人
情憂樂付公等耕耘安此生不知堤柳岸黃鳥爲
誰鳴

還如蘇學士屈跡不辭喧佳興起東作沛然春澤
繁臨觴酌往哲相與唱高言予亦有喜色桔槔舒
灌園

再用前韻賦喜雨亭兼呈明府二首

東郊帶雨色把酒孤亭間窈窕坐中水嶽峩湖外
山暮雲出返照游泳鳧鷗閒羨爾芳朝作春花未
可攀
猶憐亭畔柳孃孃長條垂一縷遊人怨東風日夜
吹我來雨雪後惟野何離離綠盡舊芳草王孫知
未知

喜雨亭排體四十韻和茹明府用元韻

老去西京客春來右輔天探幽猶未已好古獨蒼
然昨日乘佳興潛期出近躔方遵周漢郭忽到水

雲邊太守攜高侶東湖做霽筵臨漠瞻瀕洞俯檻
弄潺湲燕宇差垂接鶯啼劇可憐踟躕遲命酒整
攝並隨肩禮肅芳亭外心輸道貌前千秋遙灑淚
四座競依賢憶爾初橫綬於斯乃具員奈何霖雨
佐翻與帝王懸隴俗愁無麥豳詩重有年祀雩農
易緊星鳥序難愆敢諉班僚分真提燮理偏風雷
紛效物霖霖浩盈阡作牧渾勞止吾民各勉旃揮
鋤融曉露播穀啓平田偶際丹楳畢欣彰畫棟褰
英姿凭在牖絕構把如椽緬想靈臺事長吟比芾
篇此文雄嶽瀆他日奮嵩瀍寵辱人孤處炎荒跡

屢遷終侯非不貴

公官訖開國侯

請郡得惟先歎息風流

隔蕭條渤澥連鯨魚寧再起蛟蝶互爭妍託賦情
誰盡淹棲屐欲穿朝陽懷下榻杜口迅歸鞵夙契

違中野良辰妥醉眠交親仍取晤坐嘯各隨緣

時與

家雪木二兄王司馬周輔表弟子威舍弟子實門人杜雲柯重聚齋閣

歛復按細篋

聲光耀彩箋浪驅巫峽倒嵐駕蜀峩巔瓦缶應知
廢鱗鬣詎忘筌將賡緱氏曲數斂伯牙絃郡國多
憂楛乾坤尚舉煙雕蟲誠瑣細展驥待騰騫甚愛
花成織徒空酒似泉旅禽高臥改明月幾回圓往
哲頻追溯新歌已授鐫詞場同逐鹿讓着祖生鞭

春懷八首

并序

紫庭明府問何不作拗體因賦春懷八篇

續悲秋先後十六章并呈明府

太原城西古晉祠叢柏半作虬龍枝魚多不驕

晉水

名魚湧數穴水故平曲流千巵石洞舒榻臥便穩松

莊老人來何時安能終日坐巖下醉弄白雲閒賦

詩

祠內多傳公
它先生題字

朝那五原百餘里有客初客陳穎川繁絲急管夜

佐酒碧艸金沙春張筵悵望從君如隔世飄零况

我非少年流水高山一再鼓撫琴淚下悲流泉

謂陳

使君
祺公

秦郡作客攜江仲笑呼臺門詩興新奕棋每憐謝

安石開幕寧屈劉道民渭水無處可垂釣仇池幾

時來問津惆悵同谷正憶汝日隨徂公如公貧

時周

司馬有
行臺

上谷曾在郎峰下高齋忽褰易水陰荆卿西去竟

多事鄭叟北來空好音雨雪關山明霞裏封胡遏

末玉樹林重來大夫不可作看築新隴柏森森

子授

經保定陳郡從
子弟皆從之遊

歷下東湖青溟洲歷山北望白雪樓深知鄒子繫

非罪時亭林在難敢謂魯連排衆謀欲陟岱宗俟他日
將觀滄海難久留安期嗟汝去不返玉舄至今空
悠悠

金城刺史之雲中謂傅應州哲祥邂逅逢之代邸東九龍

琉璃尚奇絕三市蒿藿如轉蓬少婦解調鸚鵡語
仙人曾叱驂騶風亂深世隔不可問搔首踟躕思
悲翁

獻陵司香年八十聞我抗疏賦歸與扶筇顛顛忽
垂訪脫粟艱難懷借居相看流涕橫面頰却問比
鄰多坵墟詰朝送汝還山去吾亦從茲返故廬謂貫

太初

河南鞏縣有廢宅杜曲老翁相傳聞中原橫據伊
雒水萬古高塞首陽雲據元微之稹作公誌公遷厝於此遺蹟至
今傾宇宙曠懷吾輩揖清芬吾非斯人更誰與下
馬酌酒愁紛紛

喜晤劉博士淑止卽事四首

少壯論文涇渭濱中間契濶迴風塵偶投朋好來
他邑兼豁心期接故人雪帶晴嵐看轉麗花明僻
室坐同春夙歡傾蓋敦雞黍相對鱸堂霽色新
才子艱辛就一瓊屢空吾道興悠然幾時天祿徵

劉向攜手濠梁得鄭虔留客芳朝初剪韭避人高
枕自鳴絃風流賴有河陽牧月朔常貽貰酒錢謂紫

庭明府

頭白狂夫萬事慵倦遊司馬過臨邛羈懷緩問周
原月散步頻移泮水裕自采芹香添飯脆還浮濁
酒寫杯濃徵蘭瑣屑煩公等莫笑花晨屐齒重
玉樹雙雙倚謝庭潛修君足老傳經人才並育元
公里吏隱渾看處士星夙好徘徊忘落日雄心寂
歷付流萍同朝卿相多年少注目排雲起健翎

文姬

并序

李空同詠十六夜月附記云兒時有清輪
桂闕一分影寒落江門千尺潮之句惜其
全詩不傳余向有文姬詩恨末聯不稱後
在雁門舉少年之作盡燒之陳使君屈翁
山爭不能得其中非無可存者存之徒亂
人意春夜偶向茹明府道之附錄今本易
其結語然中間亦稍改

文姬本是名家子展轉遙經大漠陰萬里春風吹
過雁中宵笳管入鳴琴燕支慘慘還香色車馬遲
遲去塞心倘弔明妃上青塚躊躇爲我一沾襟

雁字八章 并序

闕逢執徐之歲客雁門陳使君祺公先生
所與石生子禎諸君拈雁字詩劉得二篇
云何處流音過塞壕憑空一一託風騷排
雲朋翅依秋律入卦臣儀奠遠臯萬里銜
蘆釵脚冷長林帶雨漏痕高年來已罷揮
鉛興輸却雕蟲任羽毛又歷盡瀟湘與洞
庭鴻文無範自垂矧方圖畫笏留奔篆已
覺凭欄失墜星賓至無家成水注歸來有
路按山經最憐南北風塵裏不爽春秋獨

健翎當時推爲第一以其句句先說雁帶
出字意不似諸賢按用六書掌故強附羽
毛也夜集偶向茹明府述之追錄之餘自
歎不及雖更二十稔調高和寡依依如昨
散後得枕溯流思之尚有鬱然我心者但
爲君故沈吟至今因賦新篇並呈明府

萬里春暉照彩毫曰歸心緒不辭勞隨陽自識讀如
志依丹障漸陸猶思揮碧濤羣起天邊遺跡遠影
吹江岸印沙高迴頭想到西京日拂翼摩雲亦有

曹

六翮橫披碧落東二儀初判啓鴻蒙迢迢接翅垂
科斗漠漠成章賁草蟲北嚮關山工轉歷南飛汝
漢受爲風却疑淳古翻多事還藉圖書作聖功
滄海飛來疋練邊碧空明滅見雲煙乾坤慘澹研
霜至雨雪縱橫灑翰連衍飲有言初起日哀鳴曾
紀肇興年學書人老頽雙翼仗爾文明篆九天
東壁高翔垂露流暮雲明月兩悠悠指揮空濶渾
如意褰翥蒼茫太劇愁萬古青霄搏赤爪三秋白
羽帶銀鈎鴻都門下人非故肯縱光華處士樓
天際徘徊春色寒疾飛斜掠有波瀾爲儀星日蹤
猶在染翰滄溟露未乾毫素不隨人代易樵漁時
傍海山看世無許慎明高籀六畫孤鶩欲就難
澤畔行吟歲月長齊飛霞表陣雲張刷毛排蕩風
爲勢懸象分明畫有芒掣電驅雷驚急就攀霄漾
日儼分行愴然遺則同今古物采輝輝久擅場
與到援琴無翠岷周原目送旅羣過幾迴命匹陰
相並何處傷春跡最多振穎陽秋留節序舒翎光
欲在山河乘鳧跨鶴欣同調

謂明府

爲對青罇一放

歌

接踵遺經託素臣潛脩羽翼對長新江蘆銜去青

受祺堂詩卷之三
三
藜上石液調來紫塞賓
蹈海已超羸氏劫
尋源應記武陵春
似憐三匝塵埃裏
披示東西南北人

受祺堂詩卷之二十七

中南山人荆東李因篤子德著

聞黃鸝同處士兄賦兼呈茹明府五首

粉榭花階白日遲
綠窓碧樹叫黃鸝
勞勞送到春
閨夢切切聽來止水涯

故國煙光萬事乖
新愁宛轉數聲諧
自從杜宇傷春去
啼破人間烈士懷

白髮羈人老據梧
金衣公子過相呼
愁聞鳳絕千年響
說到烏生一語無

睨皖東風曉樹林
晴簾好舌和鳴琴
沿郊喚起扶

步補堂詩卷三
一
犁子布穀周原次第吟

昨日春歸夏木清佳晨忽已報遷鶯渾同野鴿呈
顏嘽正與仙鳧應候鳴

茹明府築朝陽書院置膳田伏日枉車馬見

迎集諸子會講又日治具館穀來者賦詩

美之

鳳鳥何年至斯文自此昉朝陽詢盛跡所歷久榛
莽吾友河內君曠懷信陵倣銅符照青鬢玉樹時
競仰蕞爾卽殘邑宗周之故壤王風委兵戈况乃
疆理爽責賦惟子黎多時乏完帑土方嗟半菽奚

暇有吹獎憶昨陳哀鴻其辭亦數上究叨 聖主

恩欣植蠲租榜膏雨叶嘉應力耕春漸廣瘠田爲

樂郊歸者盡攜襁關學思再覲孔堂忽移曩聿聞

絃歌聲丕及駿發象謀始崇俎豆築宮度尋丈東

瞻璧水側面勢爰相仿特祀張誠公牲筵肅奉享

受塵皆俊民臺廩繼吾黨回首碣石雲慨然垂遐

想誰將領賓客郭隗宜就養朝庀輿馬出夕專隸

徒往瑤華走空谷儷語排沆漭僻處泥澗深槃阿

日初朗塞階驚庭實筐幣色互晃賤子嘗少年狂

吟恣飄蕩征途劒生塵却復親几杖自託紵衣交

頻開涇渭槩奧津或遙探奇義披共賞身隱昧焉
文盜名牽世網悠悠黃鵠飛詎識魯門饗抗疏蒙
天慈衰顏庶獲仗去秋降凶災肌骨纏愴怳春旬
起報謁策筇行猶強惟君敦末契下榻庇疎放六
藝靡弗窺兼才凌篠蕩盱衡當代事洞若指諸掌
舒簡多新篇對之每技癢遂施蜚臂微侵假大車
輞炎景爍旅陌疾驅渾勞攘還家未煖席載見高
霞枉珍重展尺素好音遙承饒男兒貴意氣古道
洵無兩拜命于講筵前除闢軒敞憲公謂學使公與郡
伯曹太守公忘分臨書幌西漢尊經術鉅儒槩倣儻彩
苞非凡質鐘律絕細響勇媿撤臯比勤如謀歲穰
憑君遡河源宿陋資滌盪頭白守遺緒倦遊甘息
鞅卷阿借一枝老得充山長

謁周公廟卽事兼柬茹明府

岐下周公邑傍山得古廟望之似箕掌南面開閭
奧公昔爲上宰六官領其要抱王倚楓宸於此瞻
玉貌道左勒片石卷阿人相告出林寫餘輝威鳳
嘗震耀遺壁數仞下未知何年造篆荒繡作泥苔
雨迷清眺老樹漢唐物時聞龍虎嘯勁飈蕩虛巖
空際吹萬竅秋日纏太陰累旬斂殘照忽疑金滕

啓紛沓雷電燎賢聖世相須廢興難一較曠懷攬
遐舉流俗寧足道明府抗殊姿率西年正少憂民
如赤子潔已凜冰操綏渙羽書中訖蒙寬大詔慨
焉秩無文殷祀嚴祝報保介重元公高明神所勞
考宮費頗繁空復詢拜教乃自輦薄祿修椽支危
嶠墜茨驚忽睹丹蘄喜同効燕雀安榆枋雲霄轉
致笑摩天大翮飛詎可尋常料有士亦承學關河
叨夙好論詩分授簡尚憶髮初燥久客信平原追
陪淹朔徼長途呼仍炊進食每竟漂夢想托周原
吾衰嗟始到印須恃德音雅興酣憑弔斯構闢雄
垣半峰連巨壑先公暨先妣上殿時遙醮展謁臨
袞衣紆回陟幽隋舉簾身已肅伏地首頻頻制作
留畫粉吳生擅羣妙雕墻雖漸頽絲筆那能做嵐
翠入虛簷水聲流席隩移時心目清不遣酒杯耗
幽末附公詩雜中刊公誥舊都庇湯沐先後歌怙
冒

七月二日謁周公廟兼承茹明府攜具同劉

廣文淑止遊飲竟日賦詩十篇

周道栖遲夏日深上公祠宇仗招尋邑鄉伏臘渾
如故天地文明已至今遂有清風來大陸依然古

木被長陰將圖階下充司掃自託卷阿羽翮林

頭白猶傳故國經所思初得慰榛苓肅瞻珪璧風

雷貌真在衣裳袞繡庭岳峙川流延野色雲飛日

霽啟秋溟指南儻許頻來此應示遺書古竹青

冕服光輝識聖顏高原古壑共躋攀樹因負辰垂

紅實安羅樹數泉近凝旒噴碧山潤德泉起唐代諸子推

恩羣后裏公六子封二公陪祀兩楹間太公召公祠在左右

為聞遺事探幽去轉滌塵襟竟日閒

上祀先公最上頭后稷廟在其上旁當年制作本

辰猷有邵一氣蕃禾黍零雨千村散馬牛俎豆欣

看湯沐邑榱題直壓帝王州歌豳吹籥吾儕事七

月天清大火流

南面姜嫄畫閣開姜嫄廟在廟北任姒並侍母儀任姒亦悠哉

同牢實定三朝禮合葬配饗禮起於周公所制也奕葉爰生萬古

才中殿枌杉彰合漠上辛簠簋逮高禴東偏有登高禴祠

臨日午頻忘倦爽氣遙分翠巘來

百里蘄陽步屨連蘄陽宮在其東宮西晤對此林泉公猶

搢笏端章甫世自橫戈溯几筵封邑竟符王國號

公賜國號周易名遙並考文傳公諡曰文丹青省展吳

生壁畫壁相傳秀柏蒼楸不記年

莫謂詩亡六義疎西來大雅接庭除懷音鳥雀啼
皆好照席雲霞畫未如漱玉水聲明吐握張箕山
勢攬耕鋤駿奔迴首悲年往歎息生民亦有初
倚榭開筵坐嘯同班荆酌酒送歸鴻陰陰地澗偏
宜樹縹緲簷虛忽受風鎬室尋常求故隴公葬畢
邙原
周南却復拜遺宮自依元聖心猶肅雖把醇醪不
易空

茂宰驅車逸興饒探奇懷古及漁樵疆無曠事冬
官舉野有新宮曉望遙初補梓材瞻赤舄更留丹
蘄漾青霄西輝尚照前期重太白吳山續見招
柱下遺臣感聖慈龔沿儒術守東菑漢唐畿輔遙
堪盡周魯宗風尚在茲文物永懷分陝日德輝親
炙過宮時幸叨鞭弭隨良友風雨還應繫夢思

五丈原懷諸葛忠武公同茹明府作

諸葛昔秉鉞傍原爲行營指揮立漢幟東望長安
城神運鞭木石尚聞紉孤征畫疆示持久叢耒臨
雜耕父老激其義安居孚靡爭巨奸終悚匿巾幘
褫餘生三輔皆跂踵大功已垂成星沈事忽變故
壘空縱橫渭水懸厓下崩湍日夜鳴竭來秋始肅
高樹有悲聲緬仰歷千載淒然沾我纓至今駐車

處風日相與清岐尹澹蕩客撫茲尤心傾中宵遂
折柬畫艇揚虛明遺像偉帶紱侍祠環羣英掌中
舊羽扇冰雪騰前楹搔首吟梁甫暮雲鬱崢嶸戰
圖開遠眺村酒入班荆絕岸俯深谷須臾嘗數更
此人不易邁懷古披同情

早秋五丈原謁諸葛忠武公廟承茹明府陪

往伺劉淑止廣文汪開美太學張簡修文

學懷古八首

地在岐山界內

憑弔遺祠託乘遊臥龍龍臥已千秋遙馳絕壑衝
炎景忽望高原起暮愁松柏自吟丹障外鳳皇空

叫碧山頭平居掩卷悲時數指點行營涕泗流

星落天空里尚存有落星里誓師原上想雲屯徐興禮

樂封梁父久駐樵耕控益門益門鎮公所置羽扇

潛揮南向淚雲山長守北征魂沙明草偃今猶昨

彷彿迴車有舊痕

獎率前軍指舊都遲回大壘坐盤弧酬恩遂奪三

分計却敵還高八陣圖天限西南那老蜀地懸江

海正愁吳至今殘戍荒陴上時立秋風夜月孤

何處浮雲遶砌亭往時歸旆此含靈繫才宗社腸

逾熱流涕關河日未暝秦塞落霞多暮紫漢陵秋

受補堂詩卷三
七
色爲誰青三垣列宿哀長夜萬古難尋此一星
北伐孱軀野望深西風拂面淚沾襟寒來已徹臨
戎骨疾亟猶憐討賊心遺廟丹青長好在故山樵
牧不相侵渭流東去山傾左傳檄翻成曳杖吟
壁壓旗門剗賊壕經年丞相獨憂勞懸軍已落長
安膽障海寧迴逝水濤競許莘耕連釣曲誰爲天
問續離騷淒涼白日登臨處古蹟猶瞻萬仞高
王業悠然出處津鞠躬荼瘁一傷神退耕虛負明
農意饑溺難留嘔血身世異蒸嘗憑地主時清寤
寐接天人岐侯曠舉超當代百里何慙社稷臣

太白秋開落照空晴霄萬里對孤鴻羽書歲月存
遺障霜露乾坤入轉蓬草木猶垂雲鳥跡衣裳不
改卦圖風我來沾灑頻搔首西蜀南陽寄興同

寓朝陽書院奉答曹鳳翔澹齋

用來韻

舊歲積炎蒸徂秋良未已吾親久扶牀欲出艱步
履七月日旣望庭陰初東徙冥然降大災婆宿垂
天紀小子夙叢愆偷存空忍恥百身奚足贖含祿
莫爲理救禍感數公扶風先投匕傳書澗曲深忽
叫哀鳥起回首樹荒阡使來修薦簋冬殘猶缺報
撫事淚盈几頃者登郡門當途露麻臬逡巡瞻外

屏不敢輒移跬溫語延客入採蔬掇春蔬作羹滿
案碧香稻沾唇滫徐指嘗懸榻掃除信有以圖書
光接席待汝息塵軌神驥鳴好駒鳳毛照牕綺褰
帷出近篇四座皆披靡留客值花朝雨晴風亦喜
蘇湖託盛緣迅欲追鞭弭燒茗石泉旁摘鮮修竹
裏古亭驚新構祠屋幸不圯聞政似端明乃心澄
於水輕颺上鬚髯俯仰差得擬授簡及巴人狂愚
寧自揆頽波逐逝川汎濫知焉底兼與雄俊遊坵
壇盡高壘嗚嗚擊缶徒細響何勞侈南雅懷舊邦
隴西媿諸李狀夫爲雕蟲頭白更可鄙公若謝宣
城愛才多溢美忘其醜且賤遽取清商比純扇貽
佳什綠荷正紛委殷勤假館情再走滄池鯉沿溯
來公部幾番曳敝屣久要敦前期清蔭固所倚無
那遶墓兒遠征違慈妣松楸愁遂疎練設况臨畧
伏枕淹浹旬長暉灼如燬羈懷鬱難伸矯首吟葛
藟

伏日應茹明府名下榻朝陽書院承曹公子

冲谷見貽新篇用來韻奉答三百二十字

岐下周故都溯源盛文軌象爻追羲皇風雅自此
起王澤一板蕩浩流紛同靡二千餘襍來潛發橫

渠水前代尊經術表章肅聖凡將窺洙泗涯並抗
雒閩壘渺渺鵝湖波長川忽決徒據高如建瓴天

下莫能理文簡

呂仲木先生

與光祿

馬伯循先生

孤鳴無所

倚是時稱關學純粹世罕比吾道判興衰羽書方
數侈空悲期會繁坐歎景行毀邦伯攬俊人部花
欣延跬朝陽賢明府奉教固有以筐篋匪攸好振
衣秦漢裏崇垣闢采苓萬古懷西美郭隗遊碣石
詢端先其委幽居憫無鹽刻畫良更鄙公子吐雄
吟片雲看自喜施聲於聾聵卽事懼失擬少賤騁
詞場頭毛哀白臬晨颺吹縕袍宦轍久納履旣乏

封侯骨軒裳詎足紀炎霜纏客途况乃暮安底執
戟老匹夫卮言猶知恥男兒撫生平弱翰寧遂已
驚代接逸才後塵承鞭弭芙蓉放曉暉好句餐芳
蕝詰旦下飛鴻中霄來尺鯉鄴園展舊賓公讌將
重庀宣聖護人短不爲流俗累陽春和之難太息
鳴綠綺

簷溜和王司馬周輔兼呈紫庭明府用來韻

春風吹雨雪急溜寫黃昏霽色微褰牖愁聲早閉
門數述譙角亂難妥客牀溫癸酉庚辰日悠悠未
足論

春秋二日紀
陰陽之變

存歿口號一百一首 有序

存歿口號始於杜陵往華池溫徵君擬之
至三十首予苦居多感乃及故人積日所
為遂三倍溫之數口占率爾不更詮次况
與諸公託分既深散在四方或竟委塵土
愛而不見情有餘悲冀後世有聞焉依左

氏傳已歿者稱諱

吐頰恩孤淚不乾 先外祖高士封題義重壓彈冠

大司寇魏公象樞前以御無才白首慚江總 江少

史大夫為予密疏籲歸於外注日蒼生起謝安

國士蒙知慟翼城 崔參藩公諱允升初貧交舉火

待司兵 郝太守公斌為絮雞千里違趨次楊柳三

春阻送行

三吳松柏鎖新墳 昆山徵君顧二曲川原杳暮雲

蓋屋家徵龍臥傷心愁歲暮雁行回首惜離羣

譙國詩人醉碧藤 少司農穎川賓客散春冰 陳觀

諱上難教杜甫酬嚴武轉使侯羸哭信陵

龔公吐握間黃泉 大宗伯龔少宰才名冠白蓮 家

部左侍郎鸞鳳空沾多士袂鶴鴿賴有若人賢

裕莊長捲蹈東濤 太原傅徵華下欣傳晚節高 華

王徵君 弘撰 白馬橫汾終有日 黃花入獄不辭勞

高士風流谷口同 淳化宋隱君振麟 孝廉門巷鳥啼空 武功

先鄉舉兄 蕭騷世外忽乎叟 歎息人間亡是公 讀

無日 相國留醺春草芳 宋長洲相公德宜 宗臣已失令公香 高先

陽相公 諱霽 猶聞置邸如東閣 獨惜離筵是北邙

司李吾家吐長虹 去聲 家涇陽五 憲僉戚黨瘞孤桐

先母姨夫南僉 朱門竿好休彈瑟 冥路錢輕免送

窮 事公諱廷鉉

橫渠澤畔問吾宗 家郿縣處士兄柏 少保橋西迴暮鐘 三原

溫徵君諱自知恭毅公季子恭毅創石梁徵君嘗飲客於此 古調時翻流水在

高樓但有落霞封

惠連醉態近如何 家肇慶弟彥瑁 公子雄吟逐逝波 張總鎮公

諱夢叔大司馬 書劄幾番來海嶠 夢魂無路到滹

沱 九苞先生豕子

肥水西來起漢京 許學憲公孫荃 大原南國怨江蘅 王方伯公

諱孫 自聞三物明光殿 誰挽孤槎楚望城

廷尉詞名接子衿 張大理公雲翼 率更中外憶浮沈 詹事府正

詹沈公 綵毫青鬢君年少 丹詔霓旌若痛心

京兆傳家惟孝友 房京尹公廷禎 大叅賚志有悲吟 朱叅政公

諱廷 非愁別後稀江鯉却恨當年寄酒箴朱嗜飲子每痛

之止

侍御雙蓬落宦楂米直指襄司勳五世弔通家王稽勳公諱九

鼎與子前期轉隔粉榆酒子舍還留琬琰華

叅藩畫艇晝長閒劉少叅元勳侍御哀江去不還先外伯祖

田公諱敘別並華孤子鬢時罹內艱遺書虛赤少孫顏

褚先生司馬子長外孫續成史記

吳江新命下銅龍家侍講弟振裕時督江南學政越水懷賢咽暗

蛩項少司馬公諱景襄類錫生芻行葦賦侍講舊歲典秦試致誅先太孺人

情援烏鳥侍臣封子乞養公為閣學

還推有道主齊盟青門前世襲郭昭信民止欲訴遊巖斷素箏

先母舅文學田公諱而珏北郭偷存滄海淚西風不盡渭陽情

太史而翁自古今喬侍讀萊尊人前侍御公理學茂才吾舅隔人

琴先舅氏孝子田公諱而諛代父械賊為逆闖殺之平陽鳳毛理窟騰仙羽

灘鴻蒿原叫血鐔舅樞至妻徐氏即自經死

中書別構柳陰隨益都馮相公溥都門築萬柳堂祭酒遺恩寶篆

垂朱學士公諱之俊堂有御書綠野東山人尚健青罇北海世

同悲

黃裳拂衷辭黃閣寶坻杜相公立德逸少停車少白衣王晉

轄公諱顯祚冀闕驚心蹤一至并州過眼事全非

東海高吟步石渠徐侍郎即清河苦節到坵墟里中

廉張公二千載上明光賦三百年來孝秀車

司馬尚書長四曹梁真定公清標左藩行省場雙旄高方伯公

諱翼紫微原自依丹陛黃鶴空嗟淚碧濤高與子相別鄂

渚

開府黃扉簡外臺湯中丞公斌侍郎清禁抱餘哀

葉少司寇後塵曾逐秋光裏前席虛聞夜半來

濟濟徐陵仲自超徐編修公秉義飛飛田鳳季難招先舅副車

田公諱傳臚殿上三芝秀泣璞山中兩世遙外叔祖暨

舅氏皆宿學不售

御史大夫徐總憲公元文周趙徒周昌趙堯翰林侍講喪歐蘇

先臨川兄諱來泰武陵甥舍稱先達謂亭林先生忠武諸孫敘

藐孤

退谷遺聲燒佛骨孫少宰公諱承澤堯峰奮腕即龍岡汪編

修公鈔書不遠三千里孫多藏書喜借人讀憶別俄驚五六

霜

時望端門第一星總憲陳公廷敬忽驚方岳待新銘畢布政公

諱振杯酣南雅長憐賦筆古莊騷半涉經

侍讀中朝白玉樓施愚山公諱潤章宮詹南海木蘭舟王阮

亭公士禎相傳寶玦克舍貝獨把珊瑚作釣鈎

岐陽綵筆照朱顏岐山茹明府儀鳳濟水丹心送碧山濟寧

劉高士他日慈恩攜手去幾人華表放歌還

玉署垂霞照去津張學士公英以四詩寵予行銀臺屬續臥留

賓王通政公諱綱易簣日子在座潛資啓沃天顏霽尚憶澄清

法宿新

渤海幽期供奉班高侍讀學士公士奇河濱佳興夜臺閒先朝

邑大兄諱楷駮龍鱗介非凡物倚馬辭華返故山

雲間節使上秦風葉觀察公榴曩督關中學政頽上藤陰詫漢

宮劉考功公諱體仁授牘孤寒多進御論文駘蕩為誰雄

思尊張翰棹西歸張中翰公恂枕膝周侯涕北揮周副憲公

諱體觀鄭白渠前紅藥放舊年張招飲渠南孫公思邈祠武昌樓外

白雲飛曩與周聚此

儀部蹉跎竟一麾周太守公燦臬公生死望三危宋按察公

諱琬前入覲家陷蜀而公卒橫江跨海詩新上周使安南歸奉詔進所著訪

隱尋盟淚暗垂宋之蜀任迂道見訪鄂江

給諫雄吟武肅關王給諫公連瑛舍人埋恨此同攀梁中翰諱

舟與王先後為安肅令時猶寓此西歸更載仙醺碧北望難聞玉

珮斑

扶風夙賞柯亭行馬編修公廷鑾鄂渚空哀嶺嶠裝楊職方公

諱兆昌出使安南垂橐而返鳳凰池迴春雲隔鸚鵡洲高夜笛

長

燕市吹箎和繡衣

家蒙陰兄紹聞

魯門傾蓋失柴扉

德州程工

部公諱先貞

津亭柳色勞前箸暑日篁溪淡落暉

龍門豸起薊門清

韓城魏侍御公執蒲

潞水沙飛渭水鳴

三原

梁少司徒公諱鉉為倉督卒通州

擊楫黃河仙侶意銜杯紫閣古

人情

天水登朝戀釣竿

嚴侍講兄繩孫

武功請郡泊哀湍

雄縣蘇保

德公諱東柱

孤舟爾昨江湖去五馬人今晉宋看

鴛水多情染鬢絲

朱太史兄彝尊

虎谿狂客罷聞詩

崑山歸高

士諱朝回且質鸚鵡帶地下須傳鸚鵡詞

中表高人只灌園

里中表叔唐公文華

外江遊子絕春繁

蜀士

廖君諱文爽

殘秋最愛陶籬菊藁葬空孤錦水鴛

忠介曾孫舊永嘉

里中楊大令公紹武斛山先生後予姑丈

晉陽崔琰

昔同車

太原崔先生諱季通

我之從姑齊德耀翁有殘帙付

侯巴

北地傳經靜夜分

舅氏府教授田公而芝

慈峨遺艸尚空羣

涇陽郭高士諱畬

父兄妻子都凋喪鄉里交遊少見聞

榆塞狂歌訝父兄

趙文學名鼎

南陽薄宦割柴荆

先大令兄

諱本

詞場逐鹿才如虎薤露零虬氣食鯨

鎮西况救阿戎貧

家蔚川大兄肇甲

韋丈曾憐拙句新

王季公猶着敝裘蒙夙愛更吹哀笛與何人

平陽結友擅西州汪仲子上郡論文悼北遊劉季

漢客愛女當前如玉樹孤孫何日走驂騮劉一孫尚

也養子家

處士竹西眉宇古三原孫處士將軍泉下羽旄青

先外叔祖前副戎田公諱時升世人不解桃源記吾道還高河鼓

星

幽室聞孫玉塵清三水文逸人龍渭川公子白楊

聲先母姨夫焦公諱之夏自云希哲猶尊佛誰識

橫渠已論兵

博士堂中一鏡看三原王世叔夢公孫墓上兩松

寒溫伯子諱樹論詩羣從爭盤馬接跡孤兒喜授

餐伯子兩男克

兄事瑯琊老授徒三原王伯友悲西夏晚歸吳曾

廉諱蔣公愛我除三徑嵇阮逢伊倒百壺

民曹重對亦矜民張戶部郎太守長休是別津葉

水公諱各捧冰漿互澆墓應憐黃綺早辭秦

觀察傳書廢蓼莪家臬司國亮督師抗表泣黿鼉

周制府公青門地隔無人去赤舄天高奈若何

伯起清風表暮輝華陰楊大深源直道逝安歸周

殷白厓公諱岳華山道上鶯長合汾水橋邊雁獨飛殷與子晤

太原

安道談經寓廣文聞喜戴學博廷斌杜陵垂翼葬參軍三原杜別

駕諱燦王官谷裏千重樹弄玉墳頭一片雲杜祖母秦邱女

中翰墳笮挹曉芬三原侯季子憚職方耕牧問歸雲長安呂于

菴諱猷窮途解珮長憐汝醉裏迷花不事君

司鐸攜家飲水同汪季子弘鑒時為靖寧訓橙園雙腕六朝空

青門費高士諱甲鑄釣魚賒酒秋城外乞米籠鵝旅病中

遲任西園楊再懸華陰遲明府維城郭躬南去恨空牽敝邑

明府郭公諱傳芳陞達州卒官澄心秋漾三峰月彩籀春流三澗

煙郭嘗題子艸堂

亳州解綬照春花華州劉刺史澤溥威遠橫棺已散家韓城

張大令諱鼎銓曩宿艸堂驚皓白遙提吳劍一長嗟

俠客涇干老絕倫涇陽張高士學會髯翁鬼錄醉留賓青門

滿義士諱有臨君家黃石書安在舊宴桃園序尚新

潘安歸不續離騷潘太史未萬適悲風注濁醪燕山萬進士諱

嵩左掖門西霜似雪慈仁裕下月如濤

通籍深知阮仲容陳中翰正祺公先生猶子哭兒兼折鄭司農

傅處士眉青主先生子太丘門古瞻新楔傳說星

沈念故裕

銓部多才更苦吟曲阜顏吏部光敏鳳池難冷遂初心中

曹中翰先成白雪人稀和不就丹砂淚滿襟

鹿苑探梅初作使高陵裴大夫憲度香山易簣竟

為僧平定白高士諱荔支鮮摘無由寄桑落昏開

未可憑

水部曾推穎谷恩奉先單工部世子山人難得孟

嘗門金陵紀高士字伯紫萊衣春酒鬪違母錦石

秋花尚有村

奕葉猗蘭發宋州家大司成弟元振東莊萬石冷

春愁里中表叔石焚魚祭酒年猶少老馬為駒死

未休

之采底事輕溝瀆敝邑明府福山郭澠水長貧奮

羽毛家諸城太前日桐鄉還下馬只今天祿有同

袍

刺史源通隴樹西家興安賢書墓宿楚雲低計孝廉公

諱連枝千里金州馬夙契中宵紫陌雞

仙李同根樵李繁家秀水趙城流涕趙平原趙明府公

諱志怵自秦昌黎未第傳文字謝眺憐才出雅言

予受知諸

祕省悼亡追奉舊尤太金吾追宿脫嫖姚青門世襲副戎

陳公諱善政 秋深郭外張華宅夢到城南第五橋

魯店歸稱舞絲觴涇陽趙進士華原久臥赤霞岡

耀州左文學公諱重顯今年老燕巢何處趙母苦節有往事

哀鴻淚數行謂難兄驃騎

田秀爭傳第五名三原杜恒焞魏舒泉穴領諸甥荆州梁義

上諱鼎國袁小修先生外孫最憐焦獲牽絲地杜猶子坦長送

公安褻革行

季方聯軌慰難兄三原侯太學嵇紹重泉訊結纓

貴池劉太學諱廷鑾徵君伯宗先生子東野三秋二妙跡廣陵一曲

兩朝情

絕學瑯琊繼紫陽朝邑理學高賢梁國溯幽芳里

喬節士謝家車騎翻徒步荆野龐公至死藏

公幹先朝老孝廉渭南劉鄉舉公懿宗汝陽吾土蓋虬髯前

尉公諱諠諠舍東雲樹今猶隔腰下珊瑚舊一瞻

沛邑晚年哀庾信前孝廉閻公諱爾梅番禺近體似襄陽南

屈逸人大均九泉卮酒遙堪酌萬里梅花昨寄將特翁

新詩至 安定西河寫魏風汾州胡汝南多士輓江東宜興

史諱維崧懸壺鴻雁供春酌胡之弟同醫藥資兄食擗管雲雷迅

碧空

老去楊雄戀草元里中楊文悲來剡水未迴船涇陽

王隱君諱永椿觀浮雲尚待黃梁熟烈日真攜彩

翮前

劉表罷官添上客原與安牧耿弇磨石俟中郎杞縣

耿明府公諱日霽典衣貰酒呼同醉懷橘遺羹喜

共嘗

茅山蹤跡古頑民金壇于文學投禠存亡一恨人

同官習司馬三斗逃禪不繡佛五噫亡命却歸秦

徽國亦聞談地理里中朱高士延孔章雖死傍銅

標青門陳文學字飛溟舊在牛眠卜宅基初定虎

旅勤王事不遙

母黨多才大令賢里中表弟田同遊無復季嘗憐

里中馬文皮裊秋晒聊隨俗石洞春成別有天馬

嗜飲石洞春

庶下遺人轉入關旌德王司馬啓宇延津奇樹許

同攀河南先觀蛾眉舉案長留翠玉珮傾樽一放

顏

于越飄零禹穴居家山陰葛衣埋沒彥昇廬三高原

士諱章太泥生尺劒春坊字淚漬雙鈎草聖書

華亭春暖思劉祐三原劉仲博浪沙深惋趙岐淳化

趙明府公諱賓 軟纊狐裘霜後至香醪玉盞塞垣

持趙與子

雁門才子困公車母族田孝 韋曲王孫掩舊閭前

尉諱謙子 綠鬢金臺十七載瑤華雪鳥一封書

溫水前除放牡丹里中朱伯 仲山身後託芳蘭三

楊伯子 綸巾羽扇從吾傲縱酒狂呼遇爾難

中舍趨陪九陌中昆山顧舍人洪 義川移旆五谿

東宜川前學士 呼渠莫墜瑯琊集在野相期管樂

風

祖道流傳白嶽詩汪侍講公楫 輜車沾灑霸亭卮

諱馮督學公 八龍同產君猶少汪昆仲 孤鶴無聲客

未辭

東李簪纓溯隴西家編修 野王臺榭黯村堤馮方

諱如 衝炎偏覺荆陰好濟美渾憐玉樹齊謂學僉

弟

吳郡連珠冠六朝錢編修公中諧 隱泉山 摧玉溯

孤標鄭學使公 銜悲莫過劉蕢里錢占籍 墮淚猶

存遺愛橋鄭前宰敝

驃騎風流想雁門趙副戎 考功急難借去 短翎原

家吏部 地睽休訝南音杳天屬長懷左掖喧予顧

先至吏部考功代
達其牘堂上轟怒

宋玉逃名餘嗜酒

里中高士
宋公爾和

田光博物送臨圻

族外

祖高士田
公諱需霖

攜家箕踞三峰頂
卽世飄零萬卷幃

片語慈谿遽挂冠

孫中翰
公百蕃

長休稷令早投竿

父執
孟稷

山公諱
孔脉

排闥我亦陳情去
進食翁猶剪鬢看

中壘裔孫來白社

劉學
博陶

仲宣支庶弔青蠅

王高士
諱孔固

岐侯何似蘇司業

茹明府數
有推解

手蹟猶追爾左丞

王工

為山
水

吾家車騎闢南宮

家進士蔚先是南族五
舉賢書而登第始此

夙好維

揚謝朔風

楊州太守傳大兄諱登榮
左遷應州陞真定丞暴卒

可但奕棋吾

遜汝同遊屠釣世無公

仙令關河任俠聞

孫永和
令士禎

使君京國厝荒墳

先舅
氏刺

史田公
諱世安

孟嘗留客皆同舍
張祿更名遂逸羣

使君
避難

易姓夏
登第

元方不忝仲弓兒

陳太學直為
禎公先生子

令季徒凋早桂枝

茂才立
方仲弟

自昔追隨無異轍
相逢悲喜竟同時

江湖旅病從臣意

趙太學三
緘隱于醫

里社良工奪茂先

中里

李先輩積石博
識能鑒古器物

邂逅薊門重灑袂

與趙再晤都
亭子先別去淒

涼蒿里罷談玄

彭城詞客鉅儒孫

劉太學鏡前解元
公諱士龍豕孫

繡嶺狂歌拭

淚痕

楊文學公諱果

頗喜賢甥能舉祀

房京兆乃解元甥時致書推公鄉賢

將看令子賦招魂

楊二子皆佳長者領鄉薦

仲子高齋且種芸

負別駕從雲

難兄絕塞痛修文

令先兄廣

文諱大來

時頌花露涼秋道憶晰宮商靜夜分

名家素士託懸壺

里中表弟田二具儉

絕塞羈人惱鷓鴣

寓雁

門楚士王君諱席民

哀次披尋垂隴傳舊交惆悵采苓圖

受祺堂詩卷之二十八

中南山人荆東李因篤子德著

卽景題江濟之小像

抱膝長橫無曲琴梧桐霜磬有清音悠然獨對東籬菊想見柴桑遯世心

貽張稗恭舍人詩六首卽承次韻見酬頃枉

佳章仍疊前韻苦次追酬如其篇什生平用來韻不次此則集中創觀也

霽色開芳甸和風扇淑旂天容烏鳥返野接鳳凰飛好句頻留榻名山久振衣知音天下重此曲故

園稀

籍冠金閨早吟耽橘頌多詞名追俊及足跡遍江河
白壁磨逾瑩朱顏老更酡幽尋還載酒屐齒屢
經過

卽事初聞和崇朝復贈詩獨明瞻岷日猶及采蘭
時憶昨悲親老於今感 聖慈不才疎報稱循分

守耕菑

偃蹇明光客棲遲綠鬢春詭言成市虎投杼致慈
親託賦情難盡援毫藝入神桃源高臥得迴絕漢
唐津

故國喧戎馬他鄉冷獻酬青門空在望白社不同
遊恣眼高鴻急摩霄孔翠愁亂餘敦舊齒吾子最
風流

鄭谷尋嘗裏涇波百萬層源源流翰墨浩浩沃賓
朋地僻村樓峻田荒米價增窮居饒興緒著述可
時徵

酬藍謝青太學

新雨臨郊萬卉蘇故人懸擬出山圖徵車到眼魂
猶悸捧檄何心淚已枯忍使烟霞違獨往空教麋
鹿怨羣孤披裘五月渾狂客笑謂延陵莫驟呼

酬許學憲生洲太史用元韻 并序

向見貽近體二章闕焉久未報行部岐下
再枉古詩獎其養親以動風木之感愛人
以德君子之用心當如是矣內省頑鄙非
所敢承輒忘巴人效賡此什自違遶墓將
易一時撫吟傷懷不禁涕泗橫集即曰聲
音之道無定體悲者聞之則悲然不得其
情亦何以沁其心骨乎

肥水正年少慨然直承明發辭潤金石雄氣吞漢
京歷試司徒署度支並著聲是時鬼方亂天下方

用兵漕輓競倚辦國儲紆四征虎貔資騰飽垂拱

聖慮清文命眷西顧撫圖難授衡 時關中督學部
議未協 命九

卿以下會推乃以
公名上得 俞旨載詢徧揆岳僉曰公當行 詔

謂子大夫歌唐懷鹿茸 前公典
晉試 惟茲播莪械庶慰

飢渴情炎日赫簡書趣車獨怔營僕夫不敢息揮

汗遵主程行部僅數月秀苗知含榮春雷送好雨

感物何其宏秦俗變瓦缶雅歌聞吹笙風雩儼多

士濟濟皆國楨吾道久榛蕪服儒衆所輕公來轉

戰後忽領黃鐘鳴夙賤罹孤苦遺田荒失耕學書

復學劒流蕩無一成出處點白髮蒙恩為沾纓小

人自有母豈必嘗君羹舊歲迫降割晨颺悽寒旌

傷哉此窶子負畚呼鄰氓勺水捧欲墮終天悲笑

笑述哀中恍惚何語謝幽貞錫類貽粉幕彤毫照

前楹時台司誄章者人言公且至大義臨柴荆公將

臨弔乃蒲伏跪往路涕洟紛縱橫叔牙獲接跡投

契踰平生却想南郭外去秋為諸臺敦赴青門寓

盤蔬屢攜傾屏翳憐曉色分袂或嚴更遂肯出新

賦公示出京後至抵長安高輝連百城太行週吳

嶽騰躍歛滿羸或似俯渤海簸濤飛長鯨斯須回

心怒翠露沆碧莖私幸託葭葦謂家少定交兼弟

兄委心加詮次非漫希世名一自枉佳句迷塗如

解醒紵衣未及獻篇什喧流鶯疇昔乞養事六年

疾轉晴追按到微節展誦還自驚仁者矜纖細動

之必以誠誼深人紀叙光與日月爭好我憶吳越

謂龔宗伯遊車敦宿盟存亡迴垂隔灑淚侵短檠

握別殷猶昨賦詩亦已盈時屢寄新詩右文欣在

御擣藻徧公卿願入佐清廟明良相和賡狂夫叨

餘澤且去採杜蘅

答許學憲用元韻二首

殘春棲泊有冥鴻去路紆迴似避驄早把新詩凌

華嶽

公近草名華嶽集

還提長劍倚崆峒周原草樹皇華

裏漢閣風雷畫燭中為仗宗邦揆掌故底須辭筆

慰飄蓬

武陵賓客傾京雒

公座主龔大宗伯與公同里人故舉其望來詩言及龔與子善

座有狂夫醉賦詩每憶驅車下無忌猶憐置驛似

當時蛟龍盤躩書重睹

宗伯遙題草堂有西京文章領袖之字歸失於水公

補贈

猿鶴悲吟淚不辭非仗春輝酬寂寞悠悠吾

道定何之

集杜句酬高祿侯見貽畫幅

歎息高生老巴戕染翰光野橋分仔細沙草得微

茫藜杖侵寒露春星帶草堂吾衰同泛梗地僻嬾

衣裳疇昔論詩早山林引興長窮愁但有骨養拙

更何鄉伏枉聞周史過逢類楚狂會希全物色神

妙獨難忘

五丈原次何仲默先生韻

古廟秦山麓秋風蜀嶺陰關河垂捷淚父老雜耕

心壘大星中隕天高漢驟沈空傳伊呂烈二表一

長吟

再疊前韻同子禎賦五丈原

并序

頃在岐山茹明府亟推何作子謂是詩之

妙正如獻吉先生朱仙鎮二篇更不得移
之他處然星落營空在雲橫陣已沈尤爲
絕調因疊一首

丞相迴車處高原渭水陰三軍遺淚迹六出繫愁
心敵走威長在師還角未沈奇才驚仲達按視亦
興吟

酬魯橋張七令公用來韻二首

竹徑蘿軒碧水湄疎櫺廣榭綠陰遲諸賢劔屨遙
相逐列壑壺觴晚更移最喜乍階臨翠嶂仍陪前
路聽黃鸝入林下榻清無暑珍重名園有後期

西望朱雲豁所思雨中鳴雁走新詩藏書擬倒柴
門屣旅夢猶憐玉樹枝攜手河梁如昨日贈吟鄴
下忽同時老夫衰甚甘疎放爲報陽春病不辭

送友人歸漢南兼懷王副戎德溥

城南消息恨離羣與客班荆盡夜分剩着敝裘愁
入幕時彈長劔憶從軍樽前遠眺當關雪馬首寒
流出澗雲寄語嫖姚多野興輕車何日過論文

雨中同白公季亨宿高陵芸白初士院索題

次壁上太乙韻

春風吹宿雨別院集良朋渭水仍傳餉終南未解

冰聞笙調白鶴著屐問蒼藤佇擬高欄外朝來皎
日升

送王羽臣世丈之鎮原學博任

萬年王氏古鄉族門閥先朝雄嶽瀆山宰啓事一
水鏡再傳有人仍當軸移家清渭歌渭陽接迹朱
輪耀華轂仙令諸孫司勳子皎如玉樹豁萬日辭
尊居卑更居貧養鬪池上年正淑自說青氍家故
物傳經何必卽天祿高平舊爲漢相封叢爾之邑
蕭關隩第一城邊遺戰壘西州割據此翻覆男兒
須老濟時才大器晚成觀所蓄君比鯨魚奮碧海
好修善下同深谷淮陰曾釣長淮干孺子亦教里
社肉自古公侯寧有種詞名况出世臣屋緬惟總
卯到池陽留榻高齋看翠竹尺劔蕭蕭頭全白驅
車相過輒信宿竹時垂籜散龍文君始學騎竹馬
速三十年來如轉眼忽褰絳帳玉山麓炎飈吹柳
照離筵昔賦草蟲今采菽賓客滿堂盡豪俊信陵
將去皆首蹙我嘗旅食陳大夫安定回中數馳逐
具悉塞垣競右武寒曹多倚賢司牧軍興行省半
賜貂絳灌豈能知儒服願且抑心事諸貴摩霄佇
待秋風肅

青羸死悵然有感

家貧耕作苦數騎爾辭曹負載能兼任馴良致獨
勞那無帷蓋及翻媿豆芻高久自安徒步鄰人首
重搔

贈董太守初度五首

秋霽南山敞翠屏紫雲東望接烟漠蒹葭忽抱關
疆碧菡萏遙分岳樹青國倚安危還內史天開禮
樂自新礪甫田華黍初聞賦繁露高懸董相經
當代垂衣琬琰光自天西顧眷才良應期王佐生
申呂推轂名賢起趙張靜晝開尊賓紱盛豐年臨

部野畦芳吹幽躋酒渾盈日盡入邦君七月觴
門闕端門接武高郡帷初出戴公勞紛然羽檄清
輸輓驟集熊羆妥塞壕坊有青芹皆可飯地連瑤
水更宜桃醉吟翻薄安期子猶問蓬萊萬丈濤
夙好長安何處車惟公軒蓋寵樵漁桃笙象簞頻
留榻竹徑藤陰遠照廬置驛客遊秦四塞謀耕人
到漢諸渠十年飢渴忘勞止聞政真同地節初
皇攬秋開劍舄筵兩違朋酒意悠然彤弓盧矢承
家慶紫綬金魚漾鬢鮮北極載書分陝績南華同
譜大椿年

謂尊甫
中丞公

振衣佇俟秋飈爽重醉西亭酒

似泉

贈胡明府鏡水初度二首

摩霄競識豫章才授邑欣看瑞雉來
夙重詞名恩轉渥長殷國步慶初開
豐年遺穗多盈畝暇日彈琴數舉杯
佇俟績書登上最深秋仙舄正徘徊
幽風七月賦躋堂吉夕張筵漏漸長
草木近凝秦社碧雲霞猶帶漢時光
占星咫尺依南斗賜履分明出尚方
更喜娛賓無俗事花亭靜對讀書牀

思硯齋引應許學憲公命有作

坡公生平好蓄硯鳳味龍尾親爲銘
貞質於人有至契鬱然文彩還相形
世移地隔不可遇精爽忽通何其靈
肥水開府初守越溯流從之郡之亭中
宵授得青玉片那料遲明眼中見種竹
龍山亦偶爾潛鱗觸手驚雷電表冠修髯
儼有神細畫巧琢工如綫出入懷衷數十
載連城莫酬南金賤悲來駭浪吹風塵
瀕洞江淮別主人御案帝鴻落列較先朝
肝石埋荆榛嗚呼物化亦常事俛仰栝棧遺
澤新疑夢非夢竟緬緲若存若亡空沾巾
高齋却與白雲際舊是烏臺湯沐第齋裏
公子封大夫越山吳山一垂涕層霄綠字
懸銀榜翥鳳盤虬渾盡

勢寶玉大弓繫所思含毫灑墨游于藝使君敷教
漢石渠彤管早隨承明廬尚憶先公著膝上光芒
此物騰幽居延津劍去名猶在合浦珠還事不虛
佇望硯歸佐黼黻丹青攜汝凌璠璣

中秋夜思先母賦得有淚如金波二首

秋分愁裏月兩度及庭除隴樹悲風外盆萱泣露
初流輝翻自苦被面亦相疎儻照重泉徹啼鳥未
定居

棘人長灑涕佳夕更悽然共覺登樓別潛哀攬袂
鮮關河傾滾滾天漢濕娟娟却憶稱觴處空勞素

魄懸

常母胡太孺人七袞詩應涇陽介公明府作
唐魏宗風閣教聞仲山遙發介山雲真知得令如
慈母更溯通家式太君鳳詔鳩枝人正健金波玉
液座同醺秋來倚斗瞻南極婺宿躔高久渡汾

母舅十六翁兩趨江右操外祖大叅公喪輓
旋里時爲蘭州學正假公車以行藩郡嚴
檄促之遂不克葬口占送別

孤臣流恨大江陰萬里長懸繞墓心竟負遺骸歸
故隴遙憐重趼入荒林臺符迫自他時下客路寒

從此月深羊傅遜封真令德宿叨知愛益沾襟

許督學公行部過敝邑重陽使院阻雨胡明

府鏡水以酒饌至同張子餘孝廉卽席拈

玉山高並兩峰寒之句分高字二首

使者西來叱馭勞停車折簡問綈袍不辭陶令黃
花飲兼對張憑白社豪邑假甘霖蒙帶烏天留佳
節欵旌旄文昌本自連匡衛此夜星攜處士高
鈴閣秋開漏漸高美人八車馬託風騷野隨多士沾
時雨惟有朋罇漾彩毫古木猶凝西漢色賓鴻已
接大江濤蒹葭照席斲能賦更藉登臺指顧勞

送三水楊明府蒲馥歸三首

客裏曾聯紫陌塵炎郊惆悵惜離津何期卽宿光
西野遂有絃歌徧北幽牧笛漸吹谿草發村烟初
漾野花春邑荒民瘠勞非易祈歲移風捷有神
綠苔叢茂隱山居黃鳥飛飛下敝廬束帛恭承明
府問開棧兼得故人書交情自怨嵇康懶禮數能
容阮籍疎憶接春鴻懷令德淒然霜雪久躊躇

陳中翰
端伯札

日暮風嚴落葉聞天高西北有浮雲到來單父琴
初御歸去柴桑酒未醺滄海暫垂鴻鶴翼赤霄終

起鳳凰羣山申信使應搔首莫惜梅花過隴芬

寄贈許學憲公初度時在奉先使院

大雅作人稱壽考西京博雅以皇道千年遺輝照

赤幟有美仗節臨豐鎬太岳苗裔申丞孫明光壯

遊屬起草淋漓題柱動滿署峻陟外臺資衡藻華

頂晴開數丈蓮寒花彩筆搖相鮮驚雷急電走巨

壑伏翼潛鱗者高騫棧樸凡凡逮江滸華池之役來自漢南

簪裳濟濟行渭川時新有川雲嶽樹互秀發虎觀

龍門張賓筵憶昨褰帷漆沮上經做邑如奉先傳魚忽瀉

雙澗浪錦袍珠履紛盈眼謂幕府諸子黃菊紫萸喜並

放值九日將與季札歌夏聲况承胡威致秋釀邑大夫餽

饌佳晨落帽我鬢白雨夕燒燈公神王朝日在東

車復東繫車金粟起長風逸羣絕足盡時彥騰蹕

渾於西部同邸席恰介憲君酒旗門猶懸開府弓

但期得士匹周漢何媿引觴兼華嵩 聖主好文

蒼生福梯航所至聲教速開闢中天下居上游使者

雄才夙推轂名德象賢世競仰佇登台鼎清邦族

還追乃祖逢堯舜入領九宮十二牧

郭山函廣文將之東川取尊刺史前明府樞

過草堂有作用韻奉答

萬里凌風素經垂飄囊左褰下重夔接塵欲廣絕
交論流涕長過遺愛碑明月吾廬陰未冷暮雲前
路景難追束芻東嚮瞻歸櫬哀些還當賫鏡隨

壽翁東山郡丞母孫太宜人八袞

閣教承聞壽母慈邠風遙介萬年卮江魚入饌泉
猶躍海鶴當筵舞不辭朱紱綵衣趨永晝紫雲丹
詔慶同時不須他訪崑林圃菱草堂中姑射姿

吾仲行贈金州使君弟

吾仲向爲萬年宰敝廬乃在涇渭北碧流照人如
束帶旬朔時一見顏色旬朔不見輒來書鶴鴒在

原聲悱惻堂西竹樹顛最迴雪牖風簾褰新墨仲
也朝出雞初鳴委蛇自公日已昃清罇佳味以時
設侍立小童環我側雙燭遙遙導仲來不遑湯沐
周旋亟問兄居處洞寒暖推棗讓梨方退食忽復
綺輝明賓筵華簪雜選半未識有時客到仲却去
吾起阼階延登陟長枕溫牀燦中宵衆賓皆散吾
獨得仍憐老骨怕霜露解贈羔裘渾素絨晨着羔
裘看南山夕聞吾仲催拜敕金州山巒互亘峙漢
水波浪東門逼往者燒烽接大江州圖滿眼生荆
棘昔嗟單襦今五袴藜藿之腹果香襖畫舫臨城

集布帆平田抱郭開溝洫不爲繭絲爲保障僉曰
休養仲之力秦控東南楚上游上庸關隘相吞塞
自從艱難邁良牧形勢隱隱同樹國回首離羣悵
友于動移肫魄無消息南花早放少並蒂朔雁幽
棲悲頽翼匹馬兩番問雁行雲鷗千里瞻熊軾炎
飈臘雪橫撲面峭壑危湍誰能測突至猛虎吼我
前空林踟躕天曛黑鑿冰喫火自煮飯柔艾長蒿
充芻穡石逕陂陀細於蠶緣厓跼步傾且仄天親
曠焉喜再晤攬轡曳組通邦域謂所屬六邑到日塵沙
踵欲穿歸塗輿隸煩供億旌矛弧矢耀利刃傳長
津丞爭匍匐春笋入採猶含苞茗根孤生摘半殖
盈筐倒篋落盤豆啜友嘒鄰情並極舊歲仲車抵
青門棠陰雉隴垂後則招予連榻臥蒸暑爛醉不
知稀晝刻吾賦鮮民草土中仲銜重嚙黃金勒山
高水濶阻嘉宴撫事長吟酬令德

十月一日憶先母

年年祀冬朔遶膝製寒衣雨雪思先逮幽明序不
違痛兒垂布經呼母出柴扉却望新阡近松風凜

凜揮

秦俗是日雞鳴
焚楮絮于門外

趙母劉太孺人輓詩兼呈令子元深進士三

首

第五坊西渡石橋東門高冢柏蕭蕭

趙孝廉之葬垂五十年孺

人始

雨滋茶葉看長碧霜着萱花識後凋有子斑

衣成錦帶諸孫玉立盡清標臨圻車馬趨前引不

畏川原信宿遙

春酒曾持瑞燕堂

孺人高節有元鳥孤栖之祥亡友上郡劉石生署其堂曰瑞燕

燕歸空自繞雕梁還同白鶴翔華表更接烏衣溯

渭陽近舍爭傳閨範肅通家並逮母儀長轡軒他

日經荀里綵筆誰留琬琰光

孺人父為中丞

藐藐關河泣二孤相憐華髮戴慈烏銜哀子始營

新隴嚙指君猶痛客途蔬食尚餘雙箸在鼎鐘能

到九原無徽音里黨俱堪述努力前修慰令謨

寄懷驃騎兄隱梧三首舊歲承致婢子末首

專詠其事

西城本為阿戎來

謂使君弟

右第還分棣萼杯隴水流

離源自合關疆迢迢譜初開輕裘善獵兼能賦薄

祿留賓只愛才莫謂時清方偃武天閑終不後龍

媒

祖帳東門霽色寒旌旗直指漢江干同舟及此叨

三秀

時同使君共載

接踵誇予得二難雨雪霏霏凌返旆

簪纓濟濟憶追歡雁行迴首人千里愁緒還凝遶

膝蘭謂諸姪

井臼糟糠老莫辭貽來春作慰連枝不教苦次供

丸藥何必泥中解誦詩春草懷人江有斥朔風嘯

馬路如絲更聞高義同丘嫂裝遣青鬟費不貲婢來

嫂氏賜衣飾甚備

劉贈公輔宇先生李太宜人羅孺人挽詩兼

呈介菴觀察四首

松柏蒼然茂德聞贈公前葬四十餘年渭川佳氣鬱高墳青

藜遠蔭雙洲月公初贈庶常紫誥長飛五色雲進奉直大夫

共向短年悲洗馬誰知高節著參軍公在戎幕奏記外臺移粟

庇飢軍不受四品告身拂衣而去芝蘭况許推司憲簡冊曾披曠

世芬觀察示狀誄

孃孃竿旌百尺飄慈輝彷彿見霜飈撫孤原自朱

顏始同穴何慚素髮遙石表嶙峋留野戍芻靈烜

赫壯寒朝新阡吾久悲貧薄對此聲容淚更饒贈公

永訣太宜人年二十有六壺範真知隴水清恩孚後乘轉先傾贈公卒時太宜人以觀察

幼勉撫之羅孺人絕粒七日死山頭蛺蝶長相逐樹裏鴛鴦久自

名漢詩焦仲卿妻篇云中寰宇競傳雙節賦海桑

有雙棲鳥自名為鴛鴦

偏感百年情羅敷殉義今猶烈可但工蠶早著聲
相向沾襟涕汎瀾並依慈膝遡艱難千秋嬰杵金
閨籍兩漢班楊玉署看最痛升堂違拜母雖歆設
鼎異承歡臨風重灑哀烏淚不逐長林木葉乾

贈上郡丞瑯菴弟兼述舊五首

諸弟才名喜並優使君清望擢邊州北堂樽合雙
親健南部惟高一氣秋郡有豐年頻作社疆無警
夕更登樓漫論離緒年空積咫尺猶牽歲暮愁

幕府分番各著稱吾家司馬獨騫騰

時在會城直
季主訊羽林

者戍柏梁多盜憂三輔神爵叢奸治五陵春律自吹

幽谷霽彩毫偏帶曉霜澄青門旅夢縈花萼頓使

山居氣象增

夙昔嵐陽盛壯年

觀察公爲守嵐
刺史子始通譜

君方舞夕賦賓

筵飄零關塞人垂老阻絕江湖信未傳近接朶雲
秋菊外遙瞻雙憶朔鴻邊班荆酌酒今何夕白髮
渾同綠鬢鮮

雒谷東迎鄜時開蘆關北望赫連臺三冬作客曾
逃亂萬里懷人竟借才比翼遂舒原上影連枝徐
覆掌中杯舊遊回首驚搖落春嶂重看載旆來
水落霜深行路難披襟憶舊幾暄寒雙鳧遠惜常

山隔五馬新從上郡看
邱夜聯牀逢永漏
良辰覲

面已加餐
沔東賢牧應知否
安得荆華並蒂歡
前為

武邑令沔東謂筠菴

長歌寄茹明府

明府二十早通籍
振綬周原聲奕奕
卷阿之山一萬仞
邂逅直下摩霄翮
青鬢綵苞照耀同
赤符黃綬神仙伯
自宜豪俊應時起
為令卑棲無所擇
受事蹇遭亂軍餘
高牙大纛紛接跡
羽書在城幕
巨野芻粟朝發金
求夕最苦殘疆半
輟耕蓬蒿按畝
仍懸額虎貔叱咤
橫道上鴻雁哀鳴
集中澤君獨

慨然籲皇天
倒筐傾篋皆已責
漢家蠲復曾賜詔

誠至鬼神亦昭格
從古孝弟繇力田
忽聞絃歌盈

阡陌孔庭姬廟增
曩構舉帳肆筵有
安宅亂後岐學久圯

明府捐貲倡建並葺周公廟築舍居博士
三物遂能肇計偕先是岐久罷科明府

至文武並雋
四鄰相望延行履
恒嗟薄祿充盤豆
偶賦

新篇盡辟易
賤子終南老閉關
飄零廡下叨為客

耽吟各使性情見
散帶真堪懷抱釋
憶逐後塵到

燕臺囊空裘敝愁
落魄旅牀過尋觴
一醉客路燒

燭箸頻借錫類兼
貽洗腆資方舟
更救鮮民迫急

難音多通遠
部窮乏義不爽
疇昔春日徒步過
花

封綠波繞堤吹細麥繁霜盡解廿雨澍競把鋤犁
或挾策攬勝冥按澗壑濱探幽遙訪周秦蹟曉烟
透迤生丹嶂晴雪縹緲繪太白泮水西偏築講堂

制朝陽書院

橫渠絕學新開闢盍簪已窺羣彥珮虛左

猶待說經席旁矚巖穴思遺賢值余却來斥素憤
中行不得必狂狷握手佳期伸咫尺

訂余會敬餽講於此

雙魚享多儀安車駟馬加束帛填門里巷並歎羨
曠舉關河同暄赫詰旦冠裳張前楹躬先諸子數
請益平生知交誰更在好我去此復焉適君自長
才匹西京况當敝賦窮悉素士元何辭百里宰公

琰轉爲朝廷惜俗吏所爭惟簿書庸儒矜尚託縫
掖驚看禮樂環堵內頓洗塵囂暮雲碧日月其陽
屆君辰躋觥中阻憐地僻君之愛士出肺腑業厝
斯民于碧石壽考稔知推作人南山康爵雅相繹
上公湯沐留茲土千載爲君詠赤舄

長源表弟舉第二子慶其彌月是日長至二

首

鳴鳥飛飛送吉音再瞻弧矢度冰岑鼎居初貴原
從子蘭有先徵授自今履錯東楹紛劔珮門開北
斗舊冠簪聞啼摩頂知英物笑詠蒹葭託素心

氣蓋熊羆老漸降看君繞膝桂雙雙經旬小別陽
生戶向夕高談月滿牕曉萼輝輝明玉樹新醅滾
滾注清缸令辰延景留賓客文獻重期冠此邦

卽事柬張廷尉

多病渾愁出處難上卿新醜紫金丹頻叨俊味兼
扶老更理殘裘及禦寒中夜論文懷抱盡數旬留
榻酒杯寬後期還指東橋月韋杜花明許就看

老友荆山前王孫手製藥丸見貽東謝彭楚人

江漢曾牽萬里舟故人翻作五陵遊王公尚解尊
弘景女子何緣託伯休雪後花枝供飲露壺中丹
粒佐披裘將隨方外探名嶽可許偕行侍杖鳩

贈許督糧無功四首

秦疆寥濶正須才忽對雲霄曉望開萬里分藩依
內史羣公推轂借東臺時署左轄清時不阻登臨興暇
日還高坐嘯杯編采榛苓情未愜潛期一爲使君
來

藩亭晝敞掾曹稀霽色偏留薜荔衣騰飽熊羆渾
挾纒慣遊鷗鷺總忘機冰霜曲護黃花好律呂長
吟白雪飛况復登車頻訪落天西不遣土星違
唐虞師濟百僚通緬仰明良太嶽雄論世久知先

魯史爲邦兼得冠秦風邊陲足食無傳騎謂兼水

澤流膏有集鴻並理佇陟崇班調玉燭中書行省

亦同功

黃鐘歲暮轉初陽紫閣風迴雁北翔客舍猶憐春

色近臺門早覺晝陰長度支圖籍收全陝殊錫車

裘出尚方隔代悠然詢甲第藩署爲郭升階真挹

令公香

廷尉齋中微雪初晴屬諸子分賦時予已入

城遙和用子實韻

愁裏飛花向夕飄夢迴鳴雀和寒飈裁看宿霰浮

林出已覺晨曦潤物遙歲晚冰霜憐霽景冬溫天

地寵魚樵雕欄錦樹違公讌蕩漾歸心入渭橋

送表弟田二景桓謁選

陽回柳色上征衣送子關河雁北飛十載摩霄瞻

綵翮三春賜履出彤扉離筵地濶壺觴晚好會人

疎劔佩稀題柱風流庭訓在舅氏自郎令朶雲先

下釣魚磯

評許甥仁長苗齋集畢却寄二首

玉樹清輝照雀橋欣隨使邸遘芳朝緘書義挾宮

商重託賦情兼比興饒黃絹江娥憐片石紫瀾海

受補堂詩卷三
三
狀出層霄取途老馬忘驚鈍驚羨龍文虎脊嬌
閎閱烏臺榮戟初趨庭毛骨正森如爭推小許瞻
蘇頲竊喜諸甥得魏舒地迴長煩魚雁及家貧曲
諒棗修疎何時並馭來雙澗草逕蕭條欲自鋤

贈高母袁孺人時初建貞節坊應令子奠邦

千長之請

寂寞深閨歲月長承 恩新賜永豐坊盛顏帷幕
銘金石高義關河照雪霜五尺提攜成燕領千夫
指顧待鷹揚按微闡隱平生志况採徽音郡國光
贈長安盧節婦苟氏兼慰乃父聞庭

孤雲西北行孔雀東南飛不見盧氏婦端居嗣芳
徽十二誦女誠十四理清機十五着新髻良人驟
左駢雞鳴起盥漱秉燭上裁衣堂下馨饘膳出言
靡誓違舅姑大歡喜鄰里生光輝椎布信吾分倩
妝寧足希嫁來栽數月嘉偶送臨圻自此毀明鏡
嚴霜飄素幃念君付形體遺腹邀庶幾屈指前期
滿懸弧果在扉鞠之十年長恩割嗟一揮毒苦世
罕並黃泉甘同歸巷春停相杵姻好共歔歛淑女
忽短折芝蘭凋芬菲聿瞻原上墓何似華山畿
合葬華山旁 秀柏中鬱鬱岡巒互巍巍阿翁尤慘怛衰

白痛無依垂經更寒燠拊膺淚不晞語翁勉自愛
高節諒所祈成立在孺子渭陽如庭闈吾將竟是
曲是曲知音稀誰實司風教闡幽表側微

除夕二首

歲在旃蒙
赤奮若

不復驚親老空煩紀歲增淚將春酒碧愁與暮烟
凝序族懷耆舊尋源識廢興士貧應祭寢團坐守

深燈

是年秋畢
先母小祥

臘帶昏風轉春隨霽色高欄虛猶晃雪逕暖欲生
濤歲月看詩卷行藏惜鬢毛無眠清漏永百感夜
蕭騷

喜子禎先生至卽事三首

年時秋杪木葉紅送子却歸甘泉宮碧草漸深谷
口北青雲初照華池東春苗如綫日待雨夕燒浹
旬天多風佳客遠來謀一醉入門杯斝愁屢空
知君垂老生事疎在外在家一牀書居處常有數
椽漏益中且無三日儲獨臥歌聲出金石相逢顏
色勝璠璣私託壇帷忝舊好曲肱飲水安吾廬
大雅不作千餘春吾爲狂歌懼失真同學况乃半
凋喪夙期惟君高隱淪時愛鶴歸有逸響極知龍
老無馴鱗呼童汛掃所懸榻沾席忽褰光彩新

受祺堂詩卷之二十九

中南山人荆東李因篤子德著

贈涇干常明府介公初度

漢輔依然名杜疆
仙才騰蹕首壺陽
桃開萬樹生
新雨水會雙渠走
巨洋宗國幸連綿
上籍郡門曾
挹座中香將資垂拱
須賢佐燕喜
因攀今日觴

喜肇慶弟齋覲畢省母里門卽送旋郡四首

仙李同根西葉芳
鳳池遙帶隴流涼
十年戎馬官
初調五嶺雲山路
正長郡跨南溟
惟飲水人趨北
闕舊舍香梅風
恰好次行節
捲幔還疑粵嶠黃

